

雲左山房詩鈔

上諭

道光三十年十一月十二日內閣奉

上諭前任雲貴總督林則徐由翰林洊歷外任疊蒙

皇考簡膺疆寄宣力有年上年剿辦雲南保山匪徒調度有方  
渥荷

恩施賞加太子太保銜並賞戴花翎旋因病請假回籍朕御極  
之初知林則徐平素辦事認真不避嫌怨疊經降旨宣召來  
京嗣以廣西匪徒滋事特授爲欽差大臣頒給關防令其速  
赴軍營剿辦前據馳奏已由本籍起程方冀迅埽邊氛以綏  
南服茲據徐繼畲馳奏該大臣沿途勞頓舊疾復發於廣東

潮州途次遽爾溘逝念其力疾從戎歿於王事覽奏殊深悼  
惜林則徐著加恩晉加太子太傅銜照總督例賜卹歷任一  
切處分悉予開復應得卹典該衙門察例具奏伊子編修林  
汝舟文生林聰彝文童林拱樞均著俟服闋後由吏部帶領  
引見候朕施恩欽此

諭祭文

維咸豐元年四月丁巳朔越祭日乙丑

皇帝遣福建鹽法道戴嘉穀

諭祭於

晉贈太子太傅原任雲貴總督林則徐之靈曰

朕維文武兼資徧寄八州之重任忠清共見洵爲一代之良臣勤施已著於

先朝倚畀方殷於統帥郵章告逝奠卹增悽爾晉贈太子太傅原任雲貴總督林則徐芸署起家蘭臺擢秩握文枋而疊收楨榦膺察典而出領湖山當

皇考之初基擇賢臣而特簡觀河淮右陳臬蘇垣適值居憂令  
要工之監理許其終制輟權事於嵯網泊乎秉憲關中建藩  
白下載更楚豫重莅秣陵重念金隄命持玉節旋寄撫循於  
吳會晉膺總制於鄂城入覲陳謨荷中禁鳴騶之寵銜

恩奉使宣巖疆遠馭之威雖控制偶疏難辭薄罰而宣防永固  
用贊成功爰卽沙漠之行俾任屯田之事成勞甫著拜京卿  
而暫領西陲舊秩彌光由關隴而總司南服時值蟻羣久鬪  
鯨孽未除速運兵機彌渡快先聲之奪進綏蠻徼捷書奏永  
靖之功懋

錫宮銜榮頒吉羽方壯猷之是賴倏貞疾以引歸朕嗣統之初

在廷交薦側席望來朝之旆屢降溫綸頒符倚蕩寇之勳欣  
聞行騎方冀旄頭迅落像寫麟圖何期箕尾遽歸識成馬革  
念致身於王事稽卹典於春官宮傳崇加後昆儲選綜生平  
之不避嫌怨宜恩施之備極哀榮嗚呼瑤尊式奠之時眷深  
一德丹旄還鄉之日氣壯三山惟爾有靈定應來格

御碑文

朕惟經文緯武端資柱石之良崇德報功式煥旂常之色既  
歆香於雕俎宜紀實於貞珉爾晉贈太子太傅原任雲貴總  
督林則徐敷歷有年靖共匪懈初升芸館文枋頻持旋晉柏  
臺監司洊擢陝分左右用覘時臬之陳賦重東南歷試旬宣  
之任資保障則流安清濟莅封圻則政洽蘇臺迨揚三楚之  
旌麾彌荷

九重之簡畀丹毫

錫詔俾修入覲之儀紫禁馳銜

命代趨公之步爰臨朝而授節遂乘傳而視師雖圖夷務於粵

洋機宜未協而靜妖氛於溟海調度有方太保班崇階晉青  
宮之選元戎績懋冠加翠羽之華蓋懷受寵而如驚病體積  
勞而遽退茲以邊陲小醜敢肆跳梁因思社稷老臣用資奮  
鉞迺踰閩嶠而風趨長路竟抵潮陽而星落前軍堪憐力疾  
以從征深歎膚功之未奏進銜宮傳示卹典之優隆賜謚文  
忠象生平之節概悉予蠲除夫往咎仍將延賞於後昆於戲  
宣力

兩朝牙纛重千城之望銘勲百禩鼎鐘增泉壤之光樹此豐碑  
欽茲異命



雲左山房詩鈔卷一

侯官林則徐少穆

光武井

南陽真人麟鳳姿天戈奮起天所資軍行抉石得甘井前史不  
載異代疑翳余詣宛訪遺蹟請以辨口恢張之余聞聖泉動坤  
絡井汲受福占明時德及萬靈地出醴厥土衍沃兼五施流謙  
潤下挹不竭古稱符瑞恆臻茲矧帝降靈本白水水爲火配赤  
伏推景七世孫祖高祖入紹正統非旁支何物莽賊竊漢鼎盡  
聲紫色天人欺樊崇秦豐子都輩但與草寇爭雄雌帝申天誅  
復炎祚日月舒耀乾坤彝滄沱渡軍冰忽合順水走險駒能馳

是皆鬼神所默相有天命者任自爲豈有昆陽待塵戰坐令渴  
死千熊罷想見坤靈湧泉出驅使龍馬浮神龜九仞不勞厚地  
鑿一勺早荷皇天慈遂貽甘澤漑來許不改并養無窮期逮今  
千有六百載廟食斯土華旒垂旁有四七之圖像下則二八之  
清漪瀉爲方池澈若鏡烹以活火甘如飴古人千里尙不唾翼  
亭其上宜護持

驛馬行

有馬有馬官所司絆之欲動不忍騎骨立皮乾死灰色那得控  
縱施鞭箠生初豈乏颯爽姿可憐郵傳長奔馳昨日甫從異縣  
至至今不得辭鞭轡曾被朝廷參養恩筋力雖憊奚敢言所嗟

饑腸轉轆轉祇有血淚相和吞側聞駕曹重考牧帑給芻錢廩  
供菽可憐虛耗大官糧盡飽閑人圉人腹况復馬草民所輸徵  
草不已草價俱廐閒槽空食有幾徒以微畜勤縣符吁嗟乎官  
道天寒齧霜雪昔日蘭筋今日裂臨風也擬一悲嘶生命不齊  
向誰說君不見太行神驥鹽車驅立仗無聲三品芻

### 病馬行

生駒不合烙官印服阜乘黃氣先盡千金一骨死乃知生前誰  
解憐神駿不令鏖戰臨沙場長年驛路疲風霜早知局促顛連  
有一死恨不突陣衝鋒裹血創夜寒廐空月色黑疆起哀鳴苦  
無力昔飢求芻恐不得今縱得芻那能食圉人怒睨目猶側欲

賣死皮償酒直馬今垂死告國人爾之今日吾前身

滎澤渡河

亢邨館前月暈紅平明客路逢罡風河滸津吏走相告問渡不  
得移艤艫道旁寓公止我宿立錐地許分半弓僮僕貪眠立欲  
仆嚮午倦眼先朦朧顧余銜

命那敢息離席輾轉循五中卻憶家居郊海上駛舟快若驅神  
驄潮兒踏浪本習慣天吳游戲紛溟濛竭來行勝歷兩戒遽廬  
託迹皆飄蓬臨流不嗟公竟渡有船先唱吾欲東况荷

主恩飭乘傳縱有地險無天窮七十二淵九折坂此際裹足非  
人雄有謀能絕河伯婦有書能達龍王宮刑牲投璧亦徒爾涉

川所恃信與忠

裕州水發邨民舁輿以濟感而作歌

皇天一雨三日強積潦已沒官道傍眾山奔泉趨野塘平地頃  
刻成汪洋高屋建瓴勢莫當龍門激箭飛有芒巨靈奮臂山精  
狂裂破巖壑如沸湯靈夔老蛟目怒張抔土擲作黃河黃對岸  
咫尺徒相望翻身難傳雙翼翔思鞭黿鼉駕虹梁神斤鬼斧不  
得將就其深矣舟與方無船誰假一葦杭仰睇雲物紛莽蒼會  
見陰雨來其雩輿人縮足僮僕愜我亦四顧心旁皇邨夫歟來  
燦成行踴躍爲我褰衣裳舁我籃輿水中央如鳬雁泛相頡頏  
水沒肩背身盡藏但見羣首波閒昂我恐委棄難周防幸以眾

擎成堵牆我與但如箕簸揚已奪坎險登平康噫嘻斯民眞天  
良解錢沽酒不足償我心深感懷轉傷爲語司牧慎勿忘孜孜  
與民敷肺腸毋施箠楚加桁楊教以禮讓勤耕桑天下輿情皆  
此鄉世堯舜世無懷襄

江陵雨烈伎行

張獻忠陷荊州召歌伎楚雲瓊枝侑酒雲懷刃欲刺賊  
賊覺殺之瓊進鳩卮賊令自飲立斃皆嚮其屍

滔天狂寇無人制美人乃爲辦賊計賊燄方張計不成美人死  
節留其名荊州城頭血流杵章華臺下徵歌舞妾貌如花鐵作  
肝一雙俠骨同心女杯中美醖袖中刀誓爲朝廷盡此妖宛轉

靚妝佯買笑，瞽騰殺氣已干霄。斯時意中無雨可死，不在賊卽在我事成。天下同快心謀洩，二人並奇禍夜半飛星大有芒。賊情狡獪能周防，忽窺匕首爭先發。盡反鳩鵲立使嘗鏡下肉飛鉛粉，化樽前骨醉血花香。可憐妾命如螻蟻，不解天心縱虎狼。吁嗟乎前者刺梁後刺虎，彼何成功此何苦。誰知國運換滄桑，要使蛾眉獲死所。生是青樓兩婦人，死憑彤管寫千春。愧他下馬投弓仗，也算當時一將臣。

次韻答吳巢松前輩

慈鶴

世業推君地望殊，先型猶在好追摹。

尊甫曇繡先生癸卯典滇試丙午復視學其地遺

篇細檢驂鸞集

尊甫著榮性堂集滇黔詩較多君攜之行篋

佳話曾描對鯉圖

君九齡卽

隨侍絕微重經游更壯同舟能濟氣非麤七年已較微之長見元  
於集中君怡白集中君怡長余七歲果許周行示我無

題清化驛雙松山館東安王青刺史佩蓮

我來未共長官親已喜清詩入眼新時刺史赴省垣余於壁間見題句芳草曾

紉君子佩昨憇州城見停雲合仰大夫身近連桂樹前頭影前

驛館有遙識甘棠著手春有約歸程恣吟嘯冬心話與歲寒人雙桂軒

七夕

一穗孤檠對酒消旅懷偏是可憐宵人閒多少銀河隔烏鵲能

填第幾橋

沅雨君歌



沅州官長多宿儒就中雙絕天下無  
歸然藍翁賢大夫起家禁

近官中書二十六科誰與俱  
省郎今盡前輩呼乾隆之閒大郡

除卅年仍羈銅虎符抱九仙骨何清臞  
耳聰眸瞭行且趨凡石太守

乾隆乙酉舉於鄉典史之職誠區區誰其任者  
蔣賓隅蚤登乙

巳丑登中書科  
科文譽都手編縣譜墨綬紆偶蹶不樂人持扶一命亦濟奚卑

汚樹蘭千叢梅百株以吏爲隱詩爲娛  
蔣典史戊申登賢書我來楚南停

輶車一時投契苔岑如兩賢官守崇庠殊要以同志道不孤藍

翁於我爲枌榆漳江之湄翁故廬詩人山淵今云徂  
明初閩中詩人藍山

藍澗各有集實鹿洲鼎一集體用儲黃籍雖遷業不渝翁能繼  
開十子宗派

之恢遠謨我有同舟延陵吳亦與蔣侯同閑閭時作吳語聆吳

飲鄉心儻亦思尊鱸此閒歡會平生逾卻憶所歷增歛歔豈無  
傾蓋臨交衢致身往往非一途轉喉時防笑我迂頗聞同官亦  
齟齬道不相謀冰炭居才人蛺蝶名士鸚祇合學隱隨蜘蛛聚  
星在此吾不圖協恭相勵皆廉隅山城礪确非膏腴厚培民氣  
須吾徒昔日瘡痍今袴襦苗蠻警慄閭閻蘇獨惜難留大令盧  
清聲萬口徒嗟吁盧明府爾秋宰芷江有聲以憂去職部民共攀留之安得公等連茅茹  
盡致尊顯經綸敷勿使人嗤儒術疏

鎮遠道中

兩山夾谿谿水惡一徑秋煙鑿山腳行人在山影在谿此身未  
墜膽已落盤陀崩石來無端山前突兀復有山肩輿十步九扶

掖不爾傾蹶膚難完傳聞雨後尤險絕時有奔泉掣山裂此行  
幸值晴明來峻坂馳驅已九折不敢俯睨千丈淵昂頭但見山  
插天健兒撒手忽鳴礮驚起羣山向天叫

與巢松前輩爲歸田之約詩以堅之

爲聽春暉寸草吟南陔我正切歸心入林敢道招嵇阮游嶽何  
期得向禽夢引萼鱸吳下舫情移山水海東琴被他袞袞諸公  
笑兩箇閒雲懶作霖

同荷

新綸雨露偏壯心肯換五湖煙公歸增著名山業我去原無負  
郭田暫許烏私謀菽水敢耽蛛隱愛林泉微官縱未關人望出

處相期似昔賢

安平

豁開原野少崔巍暫脫重山若脫圍  
歷險始知平地好驟寒翻訝早秋非  
紅泥似赭生禾黑白石當檐覆瓦稀  
乍雨乍晴渾不定賺人終日換征衣

下坡

俯睨忽無地致身何太高雲低疑澗水  
樹遠類谿毛欲下先心悸凌空試口號  
萬山答清響咳唾落煙皋

長龍岡

重重入翠微六月已棉衣曲磴遠垂綫  
連岡深掩扉路穿石罅

出雲繞馬蹏飛棲鳥不敢下豈徒行客稀

興人行

興夫習險百不驚登山仍如平地行淩危反試騰蹕力連步不  
聞喘息聲眼前羣峯矗如削徑窄林深石頭惡拍肩竟作雲中  
游失足真防天外落心欲止之不可留曲於旋蟻輕於猴但看  
偃仰若無事已是崔巍最上頭前者歌呼後者應歌聲啁哳難  
爲聽我恐須臾繫死生彼方談笑輕身命嗟爾生涯劇可憐勞  
勞竟日償百錢答言不覺登頓苦生來慣戲巉巖巖卸興與汝  
息腰腳殘杯冷炙付汝樂誰知酣戲夜無眠野店昏燈縱搏博

飛雲巖

老雲出山躡山魄飛入九天化爲石天驚石破雲倒垂歛起懸  
巖一千尺巖頭古柏森青青巖底清溜鳴泠泠行天日月不到  
此重陰欲雨無時晴雲耶石耶誰得名但見萬竅開瓏玲夜半  
仙風儻吹散仍恐變幻歸青冥中有古佛立亭亭苾芻合十朝  
諷經催落山泉作鐘磬秋色滿巖雲有聲

卽目

萬笏尖中路漸成遠看如削近還平不知身與諸天接卻訝雲  
從下界生飛瀑正拖千嶂雨斜陽先放一峯晴眼前直覺羣山  
小羅列兒孫未得名

魚梁江

奔泉出峽譜琴絃  
磴道斜攀百仞巔  
硯石多於灘下水  
亂山圍就甕中天  
荒亭臥雨頻移榻  
瘦骨驚秋早著棉  
自笑微軀誰傅翼  
浪隨羣鳥觸蠻煙

牟珠洞

土囊蹴破混沌開  
重昏一炬萬怪來  
元黃肇造竟復覩  
化工搏挽何奇哉  
天窗微明露戶牖  
石柱矗立冲斗台  
浮屠八萬四千塔  
環階列級光昭回  
扣魚撞鐘儼梵課  
參禪禮佛紛嬰孩  
夜叉撐胸鬼揭鉢  
巨象礪齒羊捋鬚  
三倉寫篆挺玉箸  
兩隄縱飲揚金甌  
亭亭出泥削蓮朵  
瓣瓣落地尋殘梅  
天然妙具一切相  
豁衍摩訶誠恢恢  
三才萬象併入冶  
豈有神力施斧鎚  
想當彭亨

腹未剖含精蓄靈何弗該噓納元關襲氣母日月出入誰能猜  
忽遭毒手剝破碎似孕不育留胚胎轉使世人見肺腑此中容  
物如埏埴女媧就之學搏土工倅仿此思庀材能令仙人悟委  
蛻奚假鬼伯驅輪迴乃知茲山特超異直與天地爭雄才不然  
陵谷幾變易此獨何爲辭劫灰

題秦琴山同年

鳳梁

滇華五芝圖

劉寄菴先生選五華五子詩鈔曰太和李卽園於陽雲  
州楊丹山國翰呈貢戴古邨淳昆明戴雲帆恩詔楚雄  
池藥庭生春古邨絕意仕進矣已卯秋賦余司文柄四  
子皆獲雋又先後皆出琴山門琴山繪圖誌盛屬余賦



之

使君導我溟山麓珍翠文犀看不足五芝聞在五華巔足繭隨  
君躡幽谷一芝蹇臥雲外峯四芝采采歸筠籠靈根未許落凡  
手合種君門爲君有人閒豔說桃李花君能識拔超煙霞人閒  
豈少芙蓉怨君爲披尋出塵溷與君臭味真苔岑攀芳擷秀同  
一心願芝日共琅玕長祝芝永作金石音憶昔仙人種瑤草十  
年恐委荒山道呼龍耕煙鶴守雲苦心調護天爲老憑君拾取  
貢瑤京應使仙人笑絕倒彼隱士兮如可招我詩欲寄商山皓  
古邨藥庭爲長梅坪先生所賞識古  
邨息影林泉未知可招出山否也

酬葉小庾司馬

申薌

何止蠻荒頌政聲籌戎曾駐亞夫營  
韜鈴指畫邊防策岸獄料

量小醜情

君從軍臨安  
謝獄以萬計

薦剡頻邀

天語獎綵衣還爲老親榮  
莫辭官况清於水不是沽名是愛名

誰料沈沈鎖院深  
四人同作故鄉音

此次聞中予與君及江  
心葵劉右湖皆同里

粉

榆遠結三山夢桃李新添六詔陰  
鴻爲霜餘留往迹燕隨秋去

感歸心遲君五馬東華道  
舊雨金臺一再尋

防河

漢家瓠子歲防秋河濟千年欲合流  
昨日龍門馳曉箭  
早時蛙  
竈亂更籌瀾狂不覺重隄固  
沙走能兼大地浮  
百萬驚鴻何日  
定奏書頻動

至尊憂

槌竹搯菱未許遲  
千牛力挽萬夫馳  
水衡可費須求當  
壤奠雖饒已告疲  
沈璧誰如王子贛  
引渠真憶鄭當時  
請看張樂仙園地  
猶爲籌防閣

壽后

孟縣拜韓文公墓

嗚呼公去孔孟千有四百年  
手引一髮千鈞懸公沒距今一千  
載我讀公書若公在公之廟食遍九州  
真形況此藏山邱幾緣  
唐史誤鄉貫紫陽考異加推求  
新唐書誤公爲鄧州之南陽人  
公家河陽三城側祖塋迤邐盟津北  
見張籍傳省墳瘞女文兩稱  
見公集首禾何日忘

鄉國要以致身誓死生殊方坎壈平生歷一疏潮州作逐臣已  
拼收骨瘴江濱一詔鎮州諭反賊此身自分豺狼得卒能驅除  
妖鱷平強藩功成節立無攀援易簣京師窵鄉土飾終定諡叨  
朝恩可知天心衛吾道謂公能挽狂瀾倒兩廡長應奉辦香一  
邱豈台隨荒草惜哉趙宋金元乏表章石麟埋沒蒼煙涼皇甫  
之碑野火燎居人空記呼韓莊有明僅聞耿吏部裕識以詩碣  
立饗堂我朝

聖人振儒術曩哲精靈奪幽出乾隆初元尺一頒奉祀新增博  
士秩巡方旋觀

翠華來

詔護松楸

賜芬苾

國家恩禮輝九原公德誠宜長子孫一傳襄州之別駕再傳咸  
通之狀元矧今奕禩賞延世帝旁足慰騎龍魂嗚呼黃河嵩嶽  
皆地靈賴公鬱鬱留佳城君不見南有南陽北脩武彼尙爭公  
一坏土

河內弔玉谿生

江湖天地兩淪虛黨事鉤連有謗書偶被乘鸞秦贅誤詎因羅  
雀翟門疏郎君東閣驕行馬後輩西崑學祭魚畢竟浣花真髓  
在論詩休道八叉如

湯陰謁岳忠武祠

不爲君王忌兩宮權臣敢撓將臣功黃龍未飲心徒赤白馬難  
遮血已紅尺土臨安高枕計大軍河朔撼山空靈旗故土歸來  
後祠廟猶嚴草木風

題奚鐵生

岡

雪泉圖手迹

先生胸含太古雪灑作清泉甘且冽一片冬心徹底明出山洗  
盡人閒熱忽從畫幀悟前因神物來歸信有神萬巖捲瀑作飛  
雨六月生寒無點塵相伴行滕萬餘里對此盟心心似水蒼山  
凍化昆池流井入卷中論畫髓坐我官齋眼最青快如晴雪易  
忘形斷崖他日躡游屐鴻爪餘痕思幾經

宿邯鄲

沽酒邯鄲夜數錢  
鑪頭一枕小游仙  
自知例作公卿夢  
飽喫黃梁放膽眠

題陶雲汀給諫謝禱冰圖

藍田祝冰合事著  
唐闕史濟南酌冰開  
載徵西陽紀彼雖應如  
響所繫區區耳豈如江  
淮閒轉粟萬億秭歛然澤  
堅腹奚翅行折趾偉哉陶  
使君誠意達真宰往在乙  
亥冬襜帷駐河涘空艘  
趣南下新糧計日始其時  
朔風厲徹夕凍雲委朝來  
水生骨一白亙千里大舟  
滯中流小者依岸檣篙師  
眠縮頸榜人凍裂指公曰  
是予責焉能束手俟上仗

天子威百神可役使側聞露筋女萬劫靈不毀生爲蚊蚋嘬甘  
以貞烈死此節堅於冰能使冰爲水有祠大隄側再拜前致祀  
禱云某官某銜

命漕事視冰開漕艘行冰合漕艘止行止民食關轉移神力恃  
詞終若有見須臾異風起金瑤光陸離翠葆垂旖旎盤空飛神  
鴉摧堅出江兇劃然明鏡破清徹寒漪底不獻凌人羔驟躍孝  
子鯉連檣千萬舳鉦鼓喧以喜昨同守株待今獲揚之駛僉言  
至誠感頌公公讓美謂茲膺神貺實乃荷

帝社在德神所憑還以報

天子會當置吏請有



詔神號誕區曰貞應祠重楹煥雕綺神昭効順休公亦

渥恩被乃知盡臣悃能作衆流砥涉川賴忠信感召本至理公  
名記

御屏左右股肱倚行將出監郡繡衣叨冠豸永懷條冰清兼惕  
薄冰履豈惟籌漕然治民盡如此

重陽後二日集劉眉生同年

斯嶠

齋中入夜得雪同人拈

秋雪分體得七律

一夕西風玉萬家肅霜時節驟寒加清威盡迫魚龍夜冷豔先  
欺蘆荻花瘦蝶夢迷衣上粉征鴻泥印爪中沙郢歌欲和增蕭  
瑟白帝城頭有暮笳

河漢雲羅凍不流明珠仙掌露華收騎驢踏去無黃葉吹帽歸  
來忽白頭別浦蒹葭森玉樹隔邨砧杵擣銀樓授衣正聽催刀  
尺誰蓋長城萬丈裘

似與高空破沈寥故憑天女散瓊瑤輕猶帶雨凌晨灑弱不禁  
風墜地銷山寺遠鐘沈細細江邨落木雜蕭蕭新詞莫爲悲秋  
賦留取詩情過灞橋

畫屏銀燭敝書帷淨我聰明此最宜衰柳也教飄絮起早梅猶  
恨著花遲騎來白鳳驚先下說與寒蟬恐不知畢竟東籬存晚  
節留香何止傲霜枝

寄和家梅甫明府

靖光

原韻

觴辰連襪氣如雲懷餅簪毫記軼羣

僕十三歲與君應童試會共冠曹

彈指廿

年成過客致身三輔羨神君行車撫字熙春樂官閣論詩靜夜分政績才名兩清絕風塵原不損斯文

分符難得近清都燕市頻招舊酒徒綺陌香泥晨挈榼紙窗殘雪夜圍鑪客中情味鄉音密醉裏歌呼禮數疏人海狂名容我輩襟懷未與少時殊

歡場不及別離多此去相思奈遠何萬里輜軒通燹燹一天風雨過牂牁交情已感綈袍贈詩律還聆玉珮和最是星郵愁暑暘借君佳句一長哦

回首觚棱夢尙迷春明歲月付輪躡豬肝已分羞名士鹿脯何

當慰病妻

來詩有問甚至深以爲感

舊雨情隨滇水闊停雲思入薊門低裁

花更盼移東道準備歸來醉似泥

題秋林逸趣圖

爲斷雲根采藥行澗泉長是在山清不逢橘叟圍棋坐時聽枰  
枰落子聲

本來無地著塵心何事山居悔未深此趣定教閒裏得一天秋  
思趁孤吟

李鵠臣孝廉

綸元

春闈卷爲余所黜榜發後執贄請業而

賸以詩次韻答之

當時眞自笑冬烘祇少金鑰爲刮矇上界擬登華藏海中流忽

作引迴風反辱幸未騰羣議拙目奚堪詡至公翻使侯芭訊奇  
字不才先愧草元雄

擬報來書慕退之李生足下勸脩詞能融卷軸醺醺味要運心  
機乙乙思蘄至立言陳務去浩然行氣盛斯宜不明未必皆如  
我會見知音遇有司

次韻和曹儼笙相國師贈行時之官浙右

觚棱回首望台雲撰杖曾陪鵷鷺羣慣聽寒花吟晚節恍從祇  
樹證聲聞杜房管領承明職燕許評量應奉文憶侍絳帷叨講  
畫集披一品瓣香薰

每隨珂繖上

身之...  
形墀親見夔龍集鳳池百辟風承元老肅

九天恩重小臣知蓮燈聽轡皆逾分簞節駢原敢有私漫說封  
章論治譜國僑無策不能欺

捧檄剛於梓社鄰繡衣驚荷

澤如春塵中夢未離

三殿堂上顏猶隔七閭循分已難稱幹濟不才何術答

君親丹青霖雨皆師訓恐負薪傳學治人

錮緩

恩綸徧越吳一隅噉雁可全蘇關心簿領舒風葉到眼煙波渺  
畫圖調鼎神功資邴相當官名論愧潛夫遙知卿月中天朗定

許流光到聖湖

題嚴小農觀察原皋亭餞別圖卽送入都

鄉園偏似客中過昨日新牽補屋蘿難許桃花留去舫爲防瓠

子待論河孤山韻事餘元鶴時升和靖先生放鶴亭觀察留鶴於此春水離情動

綠波正是蒼生望霖雨羣公莫惜唱驪歌

答程春海同年恩澤贈行

游雲多活態流水無定姿人生譬弦括脫手成分歧之子木天

冠班揚得所師珠璣落賦手璫玉摘英詞戢戢富東筍觥觥出

纈絲名花韻姚冶古錦文陸離有美不自炫鹽媼當嬭施譽我

文藝工兼以才識推我慚益顏甲子語增芳蕤昨忝

雲左山房詩鈔

卷一

共

恩寵被外臺爲監司薊門折楊柳贈言心銘之時平用深意

元贈

句恐負知交期

知交期我深自待敢不厚同調二三子素心話杯酒讀書希致  
身黽勉勤職守首祈吏民安餘澤逮親友酌水矢冰檠羅材喜  
薪樵暇乘總宜船一玩蘇隄柳明燈照離筵昔語猶在口詎謂  
當官來前意失八九筍輿織長衢塵牘塞虛牖才拙奈務叢支  
左還詘右譙訶恐不免報稱復何有絕想禽魚嬉瘁形牛馬走  
雲霄有故入下視眞埃垢舊侶聯驂駢今途判箕斗三歎作吏  
難因風報瓊玖

爲楊子堅

鑄

題張船山

問陶

畫冊卽次冊中韻



山塘載酒空陳迹京口談詩老此才岷頂雲隨江入海可教殘  
夢逐潮來

偕陳荔峯閣學嵩慶同游孤山觀新種梅花荔峯詩先成

次韻答之

我從塵海感升沈何日林泉遂此心墓表大書前處士時脩和靖先生

祠墓同人家風遙愧古長林湖山管領誰無負梅鶴因緣已漸

深便擬攜鋤種明月結廬隄上伴靈襟

題家鑑塘前輩春溥愛日圖

樽桑東去戀春暉早脫宮袍著綵衣葵藿有心承色笑崦嵫留  
景轉熹微每驚駒隙流光駛肯使烏私素志違我爲簡書慚負

米白雲迴望正依依

雲左山房詩鈔卷一終

雲左山房詩鈔卷二

侯官林則徐少穆

題聞藍樵超尊甫柏悅圖遺照

長憶觸辰繞膝嬉庭柯曾對歲寒姿不堪風雨唳烏怨卻喜文章宿鳳知直節仍留千尺勁清芬無負一經遺甘棠也是承餘蔭報與重泉合展眉

吳渭泉觀察簾艤搖背指菊花開圖小照

愛花人似陶公癖寫照詩傳杜老神身到錦江尋昨夢官來彭澤悟前因扁舟下水遙相憶老圃淩霜晚更親聞道天心重清節秋英彩手海山春

春暮偕許玉年

乃穀

張仲甫

應昌

諸君游理安寺煙霞洞

虎跑泉六和塔諸勝每處各系一詩

萬竹陰中著小亭衆峯轉盡見禪局澗谿汨汨鳴清溜樓閣重  
重對畫屏佛戒偏宜寬酒戶詩情都爲檢茶經山僧爲道同龕  
約惆悵彭宣地下靈

甘亭欲以今夏居此未果思之慨然

鑿開混沌了無痕終古煙霞共吐吞巖隙過泉晴亦雨穴中吹  
炬晝疑昏足音何必遺空谷心地從教悟慧根試證前身羅漢  
果三生石上與重論

谿聲引我過橋東環佩空階細細風獨倚井眉尋虎迹直窺泉  
眼逼龍宮銀餅乍瀉秋濤白石銚新煎活火紅茶夢圓時參梵

課幾聲鐘磬翠微中

浮屠矗立俯江流暮色蒼茫四望收  
落日背人沈野樹晚潮催月上沙洲  
千家燈閃城南市數點帆歸海外舟  
莫訝山僧苦留客有情江水也回頭

題天女散花圖

獨向祇園證淨因諸天香雨隔紅塵  
多生結習難消盡認取風花未著身

答陳恭甫前輩

壽祺

少年壓金綬學殖苦不早莊歲竊微祿  
具官未聞道夙尙惟親仁見善卽傾倒  
束髮讀公文珍如覲鴻寶顧維蹉洊水  
奚由測

汗浩驅車向京華仙人在蓬島勸我長安居琅函足按討吁嗟  
饑驅人所謀亟梁稻悠悠負公言思之怒如擣泊忝承明廬公  
歸掇陔草南鴻傳音來令名勸善保感拜書諸紳盟衷矢儼皜  
去年棲衡門晨夕傾懷抱游目窺墨林敷衽推前藻迹如雲龍  
隨談亦糠粃埽我公德性堅長此澗槃考蹠躔萊子衣金萱爲  
難老下走仍風塵苞栩嗟集鴉雖云爲貧仕匪戀官爵好其如  
白雲遙出門望蒼昊錄別愧我公行矣勞心慄

昨枉雙鯉魚發緘得贈言獎借逮末學譽揚及家尊更慨吏道  
媮期以古處敦樹立尙宏毅一語誠探原嗚呼利祿徒字氓何  
少恩所習乃脂韋所志在飽溫色厲實內荏驕畫而乞昏豈其

魁才智適以資攀援摸稜計滋巧刀筆文滋繁峻或過申商滑  
乃踰衍髡牧羊旣使虎嚇鼠徒驚鷗有慾剛則無此際伏病根  
於傳戒焚象於詩勵懸貍要在持守固庶幾惻隱存知人仰聖  
哲弊吏扶元元舉錯愜輿論激濁澄其源側聞官方敘馴致民  
物蕃不才乏報稱循省慙素飭但當保涓潔弗逐流波奔三復  
吉人詞清夜心自捫

不朽推立言吾道章於閭修辭義繫乾習教象占坎著述儒者  
事豈曰名譽噉公欲屏文字此論徇未敢良賈深若虛毋乃自  
視欲抑豈鑒文錮語激意有感公秉天人資琅嬛遍循覽四部  
肉貫弗百家手延墮筆力揮觥觥書味釀醴醴微言析經心壯

氣破鬼膽敷條發詩葩  
初日照茵蔯中有真宰存  
天地爲舒慘方賴式靡頽  
墜障拯重宵豈如悔少作  
矯語示恬澹公心重世教  
行已謝黯黹大樹惟自堅  
虺蜥詎能撼由來君子過  
不學小人揜言者况無罪  
底用中心慙公集非浪傳  
行當付鐫鑿吾將佐校讐  
公其首爲頌

題陳恭甫前輩遂初樓

一臥滄江歲月寬  
瓊樓猶似上清寒  
鑿坏名豈逃顏闔掩卷心  
曾感顧歡先生丁外艱  
歸遂不復出天與閒身護  
護草聖教經義補陔蘭清  
時莫訝歸休早崔嵬由來  
抵貢冠

中朝人盡訊行藏  
十稔升沈漫較量  
有命未妨安驥伏無心爭



肯羨鴻翔賦拈孫綽聊中隱居是元龍台上牀夜靜憑闌望霄漢插檐星斗自文章

入室崔儵五萬編琅嬛福地此行仙名山書異窮愁著左海才兼志節傳夙世經神鄭公里餘情墨妙米家船依然濶色承平業不比膏肓石與泉

惆悵衡門心事違饑驅猶未答春暉買山無計仍從仕負米難言愧暫歸每侍高堂戀明鏡苦將慈綫勸征衣登樓倍觸臨歧淚慚對詩人束廣微

時子將北行

錢舜舉伏生授經圖爲陳恭甫太史題

祖龍燔羣書偏置博士官姬孔道未喪席以收缺殘嗟彼阮谷

儒結舌摧心肝天乃遺一老俾其通七觀須臾羸祚灰九國紛  
揭竿生也抱籍竄藏庋精力殫殺聲入咸陽經壁久未墁事定  
求遺編所得已不完猶堪應列宿古義供研鑽渾灝合謨典詰  
屈傳詰盤學在齊魯授策匪朝廷干惜未徵安車命載如釣磻  
就學遺家令彼術徒申韓生也示坦率一任嘲儒酸弗隸漢官  
儀復恥秦衣冠祇宜科跣坐野處餘古權圖中作利跣狀侍側弱女子  
舌本瀾同翻孰云方音譌辭險義則安後儒謬獻疑掩卷索垢  
癥謂奚遺所易而獨記所難豈知悒奧博上下該際蟠不見先  
秦書徵引辭弗刊暢訓啓歐陽樸學資兒寬杖先太乙青書後  
尙父丹向微此老授斯文徒永歎異代爲寫真王李俱染翰

右丞

龍眼皆  
有此圖

玉潭接畫髓刻畫秋豪端怡歸經師家倍當揩眼看大

傳正箋釋靜對書同攤千秋有功臣筆舌俱未乾

先生著尚  
書大傳箋

陶舫詩二十韻爲馮笏軒孝廉

續賦

吾宗耆舊不可作百二十年此邱壑陶峴虛舟主者誰馮驩代  
舍茲焉託馮君招我文字飲遺迹流連話疇昨長林風雅雄晉  
安伯歌季舞聯華萼來齋好古匹歐趙樂石吉金恣采索甘泉  
宮瓦昭陵碑匹馬關山手親拓鹿原簪筆翔五雲掖垣爭乞鍾  
王格平生風義重淵源精寫三詩付剗剗

漁洋午亭堯峯三  
家集皆其手書

誅

茆歸傍光祿臺自署巢居號棲鶴樸學齋連蘭話新忽在樓中  
醉星落題襟一輩盡名宿往復詩筒徧臺閣幾時門巷換烏衣

斜日房櫳照寂寞勝地還須替人好蘭成宋宅君奚忤不遺公  
墩易舊名此心便異荆公薄鹿原遺墨况藏皮來齋譔著加鐫  
鑿九泉詞客宜有靈高義雲天感奚若義方償樹誠多情李崧  
歸券非示弱昔聞後人笑前拙此宅屬君乃不惡我詩逋負經  
十年今日亦難爽前諾何時長遂歸田謀剝啄到門覓君酌

頻伽禮佛圖爲海甯朱貞女作

青青女貞樹皎皎冰雪姿方爲含蕊花已作梧桐枝古井水不  
波春風渡無辭不羨比翼禽不作精衛思獨愛妙音鳥西方自  
脩持承顏老病母稽首人天師天人有淪謫淨土無分離佛香  
出閨闔白雲滿梁恩勛哉年及格綽楔未足奇要當歸安養福

報償艱危重重欄楯下萬樹皆瑤琪遙看青蓮花已茁七寶池

題屠琴鵑倬耶溪漁隱圖

一臥滄江歲月寬鶴書雖到未彈冠  
葦蘿山下佳風雪留與詩人理釣竿

濃嵐疊翠鑑湖春難得鱸鄉待隱淪  
便署頭銜作狂客四明賀監儻前身

平牽舴艋倩漁童坐試朝南暮北風  
山水方滋歌詠出綠蓑斜挂月明中

一幅丹青自寫懷此中招隱與誰偕  
使君且爲蒼生起琴鶴歸來亦自佳

壬午四月起疾入都引

見得

旨仍發浙省補用紀

恩述懷

起痾常格比停年况是銓庸合棄捐

病痊起用例應坐補原缺

不謂煙霞頽

放後轉霑雨露

寵恩偏便分符竹仍初地大好湖山有夙緣最是驚聞

天語獎虛聲曾忝越中傳

召對時及官聲不勝愧悚

獎

棲遲雖愛舊衡茅畢竟杭州未忍拋魚鳥有情渾識面士民於

我若投膠驂童再見紛成隊燕子重來預定巢

此次北上過杭士人相顧懽甚

且以湖莊爲余  
容屬居停之所  
還欠西湖詩一卷等閒吟付小符鈔

題王竹嶼通守鳳生江聲帆影閣圖

清川帶長薄回洲隱沙堰幽人昔此居一閣俯遙甸小眠謝人  
事讀破千萬卷江聲入枕喧帆影當窗見吹火識歸魚操桐送  
飛雁清夜海月生流光著寒面了了江上山煙中青可辨牽絲  
一朝出鄉夢幾回變猶餘息壤盟高吟謝公練

我昔與君遇湖渚生秋風西冷好山色雲水吹空濛驥足幸稍  
展鴻姿誰見同自言舊廬在坐恐蒼苔封君才豈邱壑况復家  
聲隆良時重佐郡阻勉蘇瘝恫昨出秣陵道微聞京口鐘帆渡  
雨餘樹鳥還霞際峯何時遲公來攜手圖畫中

輓黎襄勤公

世序

道光四年春孟月辰在乙神光騰天庭白氣貫紅日維公邦之  
幹康濟本經術弱冠來田閒雍容對宣室三清窅高步百里膺  
外秩鵬翼搏回風飛翔詎遑息戕戕二千石治行數第一豫章  
十三郡所至政聲溢江南古大邦財賦計所急轉輸達通潞黃  
流患颶颶前朝疏運河引淮計周密沙走隄不堅時時潰狂瀾  
下流苦昏墊材官籌稍結屢塞復屢決帑金歲萬鎰昔公官監  
司馬港正奔汨議築海口隄道謀久始集

先皇愼心簡倚任專且壹弭節宣房宮一紀河患釋剛土制剛  
水五行悟生剋用石如用兵堅瑕理深測奇功創始難衆議互



汨尼時維任城相莅事矢精白商推掃羣翳水衡戒剝蝕費減  
工倍脩金隄鞏無失往年豫州境波濤灌城邑豈真水逆行泥  
沙或淤塞淮徐悉安堵成效差可識

今皇御宇初嘉謀獻

宸極側席咨防河指畫皆上策滔滔崑崙波萬里順軌則奚獨  
轉漕便澤國民乃粒

賜詩嘉勞臣禱皇仰

丹筆景曜縣中天斜光忽西戾哀歌溢塗市洪波助悲咽遺章  
達

九重輟食重軫惜宮階晉六太尙書

命載錫兼廣任子

恩溫問及素鞞咨爾秩宗官典禮議殊卹同朝盡感嘆佳傳偉  
可述余也蓬牖儒水經匪諳習昨年隸麾旃講畫領親切一編  
河上書公著河上易註苞符闡天德知公裕經緯爰彖義從出追隨日  
雖暫眄睠荷榮特冬日朝

天還公方示微疾招邀具盤飧憂勞見顏色居安仍慮危惴惴  
不遑逸從來大臣心肯爲一身恤相違月甫周幽明竟長隔聞  
公邁祇夢銅符佩鬱律天雷千金文元圭字青赤元日揲朱草  
京焦啓奧蹟爰在師之升玩辭意罔憚二者近冥契誠至理與  
泱灑然去來閒先機兆淵默殷殷報

國心撫躬一悽惻繁霄五緯陳大星隕淮北公歸固寡憾僚寮  
孰矜式爰溯乾嘉朝論河幾儔匹參之潘靳閒胖蠻宜廟食尤  
願繼公者成規奉無斲榮光頌上瑞永永慶安謐

題查九峯觀察

延華

海上受降紀事後

樓艦重洋破浪豪受降城倚海門高書生獨秉籌戎筆諸將長  
閒殺賊刀事定方知身是膽官清那有盜如毛衣披繡豸冠影  
翠永識

恩綸異數叨

題延淇園倚衣

延隆

柳陰放棹圖

灤河煙柳秣陵舟過眼風光筆底收今日滄浪亭畔路使君天

許作清游

水窗風細晝冥冥  
短夢疏蕙一汀  
要共天隨賦漁具  
便衣袂  
陝荷苓箸

矮竹疏櫺兩面開  
不妨中聖且銜杯  
論詩若擬司空品  
眞見明  
漪絕底來

揮塵聯吟興未孤  
一門風雅唾成珠  
何如茶竈琴牀畔  
添畫君

家小鳳雛

君長孫繼  
哥極聰慧

和延尙衣許關舟行遇雨用王簣山觀察

廣言  
韻

官舫哦詩興不凡  
一區淨碧曉開函  
臨波岸柳團空堠  
帶雨溪  
雲送遠帆蚤爲雁  
鴻籌野粟盡容鷗  
鷺狎朝衫扁舟悔  
未隨君

去觀瀑推篷訪翠巖

湖天秋色正離離  
妙句天成那費思  
別向新圖開虎阜  
不須小部按鳩茲  
煙沈邨樹濛濛暗  
風颭船旌獵獵敲  
笑我輭紅成獨往  
看山留約待歸時

題粵海權使達誠齋

達三

詩集卽以贈行

蠻風蜚雨轉炎疆  
蓬閣光陰特地長  
橫海濤聲平鼓角  
排山雲氣下帆樯  
通商早薄宏羊計  
綏遠先除害馬方  
政暇每聞耽嘯詠  
羅浮煙樹鬱蒼蒼

揭來邂逅闔閭城  
甘雨隨輪辦此行  
讀史識窮天下事  
論詩胸有古人情  
聽簫吳市悲陳迹  
鼓柁灤河指去程  
重與

熙朝編雅頌珠光劍氣看縱橫

障海樓三十韻爲海鹽汪少海大令

仲祥作

翬標麗霞翔鏤桷切雲起海氣排空來目極九萬里虹隄功旣  
奏鯨濤勢皆靡實足雄屏藩豈徒侈觀美往者海上役共繹宣  
房理因瞻閩嶠雲旋渡吳江水使君獨賢勞動績偉可紀施工  
慎權輿槌堅固基趾伐山得巨石千夫鑿而庀崩劣移巖巒縱  
橫疊鱗齒百密無一罅剗然衆流砥初春樂清晏登臨欲徙倚  
茲樓適落成百尋仰迢遞泰山列窗前激洋渺眼底舉杯片月  
白放燈斷霞紫犀爛窮九淵鼉驅屹三市本此浩蕩心能令父  
老喜無何占畢躔吳越歎水毀狂飈宵怒號山嶽若爲圯鹽官

竟無恙僉曰石塘恃側聞風雨交神光現尺咫樓檻森玲瓏旌  
旂動旖旎鏡開狂瀾迴矢激萬怪死雁鵠無落鳴鯨鱷悉他徙  
乃知洽輿情端能荷天祉手障滄溟東橫流杯勺耳偉哉君姓  
名喻水見意惜成功在瀛壖豫識神助爾殷渠亦已陋湯閭庶  
堪擬願君恢大猷永同此樓峙

題朱笥河先生

鈞

谷梨精舍詩翰爲張又川

人壽

許燕文望領槐廳兩度閩山駐使星遊到玉華曾作記聚來石  
笥自成亭但逢佳士心先醉况對名山眼倍青我感於陵門下

遇瓣香同禮祖師庭

家君受先生知最深

搏沙聚散那堪論玉尺持歸竟九原不獨騎箕悲老宿更驚飛

烏隔鄉園點蒼山外空行迹太白樓頭泣酒魂回首昔年高會  
地梨花寒食月黃昏

尊甫鏡川  
卒於滇

### 醉菊

襟上新霜映酒痕黃花相對澹無言南山山下日將夕恰有白  
衣人到門

題曾靜齋總戎

大觀  
巡海圖

神山初日射金鰲橫海樓船下濤豪鯤壑天風傳鼓角蛟門雲  
水洗弓刀清時縱少跳梁警勁旅休忘戰艦勞準備圖形上麟  
閣天吳移繡折波濤

芸館集仙圖朱芝圃觀察

桓  
屬賦



曾記仙人集大羅一時簪筆共鳴珂羣公才望唐貞觀此會風

流晉永和

圖爲癸丑同年同館雅集作

海嶠繡衣持節重石渠玉筍荷

恩多鑪香扇影觚棱夢已歷三朝十六科

爲家朝覲

文儀

題其業師鄭圓嶠處士

應瀛

傳後

十年星隕少微垣猶有經生拜墓門地下黔婁誰議諡江東羅  
隱合招魂文章零落空憎命香火因緣自感恩生死幾人見風  
義多公鉢簡重淵源

題潘功甫舍人

曾沂

宣南詩社圖卷

宦游我憶長安樂聽雨銅街夢如昨朝參初罷散鵝鸞勝侶相  
攜狎猿鶴清時易得休沐暇詩人例有琴尊約金貂換取玉壺

春闕韻分曹劈雲膜招尋已喜蒼岑同懷抱豈辭豪素託陌上  
東風盛花事萬柳毵毵桃灼灼鼠姑開盡殿春開琳宇瑤臺趁  
行腳消夏冰調太液涼延秋雲捲西山削鑑園三九寒裘擁耐  
買十千畫叉拓四序流連付游屐百端悲喜歸吟藁豈無歎息  
居不易臣朔朝飢米難索室如蝸角車雞棲衣似西華履東郭  
秀句要教出寒餓高歌未厭填溝壑千秋人海幾升沈如此朋  
簪良不惡連璧潘郎最少年豪端光燄騰千莫前躋沈宋後錢  
郎日下題襟履綦錯顧余縮瑟吟秋蛩如萬牛毛一螢爝偶喜  
追陪飲文字敢擅風騷附述作况自分符辭

帝京萍梗隨流無住著兩度朝

天未久留觚棱回首棲金爵五字長城辱君贈曲高難和中心  
作比年憂患更輟吟俗網紛紜苦纏縛竭來重踏東華塵扁舟  
先向橫塘泊君正逍遙茂苑春篇補白華詠朱萼矧聞樂善歌  
采菽豈弟詩人美洵酌國肥不使一家肥百頃義莊任芟柞尚  
書惠心底桑梓舍人養志肯播穫

時尊甫尚書公捐田千六百畝爲吳中義產

采詩

直媿上古風徇路奚假適人鐸乃知溫柔敦厚教貴取精華棄  
糟粕徒將風月恣嘲弄或以珠璣佐醢酢二南雖讀仍面牆古  
義何由式浮薄如君真乃深於詩訓兼趨庭濟施博新詞應上  
御屏風詎止翻階詠紅藥鳴珂何日還春明九天咳唾霏霏落  
南皮高會西園集重樹風聲振臺閣藤花吟榭古槐街詩老餘

芳未寂寞承平方待緝雅頌印綬原非耀纍若願君鸞鳳鳴朝  
陽毋爲獨鶴翔寥廓

區田歌爲潘功甫舍人作

田父爾勿暄聽我區田歌區田所種少爲貴收穫乃倍常田多  
間渠何能爾只是下不遺地力上不違天和及時勤事無蹉跎  
爾農貪種麥麥刈方蒔禾欲爾得之幾爾失東作候豈同南訛  
我今語爾農慎勿錯放青春過臘雪浸穀種春雨披田蓑翻泥  
欲深耕欲細牛背一犁非漫拖爾昔拔秧移之佗禾命損矣將  
奈何何如苗根直使深入土不用爾手三摩挲一區尺五寸撒  
種但喜疏羅羅及其漸挺出莖葉暢茂皆分科六度壅泥固其

本重重厚護如深窩疾風不偃旱不槁那有禾頭生耳穀化螺  
此術爾不信但看豐豫莊中稻熟千牛馱本書三十二說精不  
磨我心疑之好匪阿噫嘻田父母媿莫負潘郎一片之心慈  
如婆

和陶雲汀撫部海運初發赴吳淞江口致告 海神原韻

手障東溟奠紫瀾萬檣紅粟啓雄觀直從余潏開洋駛不似膠

萊闕路難

前代海運由膠萊河轉檣三百里議開濬而地皆山  
腳難以施工今從崇明之十潏余山放洋直達天津

遼海雲帆詩意在吳淞翦水畫圖看旌懸五色天風送破浪居

然衽席安

當年淤墊未完疏何計能輸

御廩儲移節獨臨財賦地飛芻難恃會通渠道光乙酉河漕皆病公由皖撫吳

萬言恩信招商船公至上海剗切一粒脂膏軫比閭精爽格宣諭商船屬至

天誠動物谷王龍伯助吹噓

疏草連章快寫宣

天書首捧墨花鮮公奏海運默邀神佑請加封號禱冰神貺符前事運甓家風

邁古賢旗腳香收迷去鳥沙頭影落認歸船功成合有登臨樂

海市詩哦玉局仙

愧未瀛壖橐筆從養痾曾荷

主恩容余乙酉南河督催堰工告竣復往上洋籌辦海運過疾大作回籍調治遙聞令肅防中飽

更憫民勞緩正供食貨成書垂

國史

事成編纂海運全案十二卷

積儲大計仗儒宗八州作督渾閒事重是

循牆矢益恭

題孫平叔宮保

爾準

平臺紀事詩冊

重瀛東去洋婆娑卅六島外毘舍那鄭

成

朱一

殲夷郡縣置七

日神速揮天戈跳梁林

爽蔡牽

亦授首鯨鯢血濺滄溟波鯤身

不響鹿耳帖比戶嚮義嘉諸羅噶瑪蘭開雞籠拓島夷阡陌皆

升科上腴沃野歲三稔陸處眞作安樂窩胡爲鬭爭起蠻觸始

禍只坐游民多泉漳粵莊區以類如古鄴灌仇戈過一朝睚眦

輒推刃但計脩怨忘其它或乘風鶴播簧鼓甌臽莫止流言訛

潛結番黎出獠穴被髮舞蹈驚天魔深林密箐擄人入強弓毒

矢藏山阿赤嵌城頭急烽火金廈羽檄紛飛梭棘門灞上兒戲  
耳威約漸積徒媿墮橫海樓船屬連帥乃假神手持斧柯謂彼  
蚩蚩各秦越吾惟一視無偏頗天心厭亂神助順願速集事無  
蹉跎十更迢迢一鉞渡風檣不動安白螺節使渡海應供  
左旋定風白螺曼胡  
短衣屬繫韉刀頭漸罷盾鼻磨乘風破浪達彼岸首問疾苦蘇  
疲痼大宣

德威諭黔首衆皆感涕傾滂沱埽除妖孽落黃斗遂殄番割漢奸  
別祛么麼渠魁就擒殲者撫匪以雄陣矜鸛鵝功成更畫善後  
策要與休養除煩苛

朝廷策勲賁祥賚影纓翠羽冠峩峩秩躋疑丞嫔周召拜



恩行復鳴朝珂從今東郡息桴鼓長祝樂歲民康和  
颶草無節番機熟恬瀛如鏡馴蛟鼉不須圖編更續  
籌海議但聽武洛來獻番夷歌

題周桐峯大令

興

湖上謁祠圖

越水當年泛使槎

尊甫海山先生視學浙中士咸其德爲建專祠

遺祠今日護神鴉再

來人比蘇和仲述德碑留蔡少霞餘澤好看傳世笏清芬還種  
繞城花寒泉秋菊馨同薦合併孤山處士家

前塵彈指去來今舊德先疇感不禁到眼松杉皆古色成蹊桃  
李又新陰湖山也結甘棠想香火難忘寸草心比似圓通禪院  
裏寶書飛蓋一長吟

題徐星溪總戎慶超春波洗硯圖

弓刀隊裏掃書巢閒與陶泓訂石交  
挽取銀河洗兵水餘波蟠起墨池蛟

聞山勒石手親摩飛白橫空署筆  
巢奮筆快如摧大敵李潮長戟永興戈

山陰道上狎鷺羣曲水流來浣紫雲  
家法自存徐季海不求形似右將軍

海鹽強弩射濤頭又向漸江濯碧流  
三折悟他之字勢故應波磔倍清過

張旒仙牡蠣餅圖

牡蠣餅沈何年地風井火吹淪齋老雕百歲未化石蒼虬抱珠  
泉底眠牡蠣餅出何地青絲轆轤引深邃吹簫女子雙髻我夜  
繞銀牀弄寒翠牡蠣餅藏何人瑯嬛仙客儲家珍髹皮几小琢  
鈿玉苔斑塲紅煙媚春養花花不枯注水水長滿魚缸凝燄照  
夕扇牽犢纖兒拾金盃靈物從來有晦顯一餅雖微理可闡釣  
龍臺秋草荒棲鳳宮鳥鳶翔海潮蝕岸見茅經穿土鬢鬢疑商  
羊年深何從辨款誌曲幙圍香飄蜃氣麴生長揖化身來或共  
雞彝充酒器

題夏慈仲

寶晉

集

早是扁舟載酒時埭鄉煙柳碧絲絲西江初祖成圖派蟻穴蜂

房許論時

落手煙華絢古春  
峻於唐體薄梁陳  
卷施閣與謨觴館  
風雅飄零有替人

雲左山房詩鈔卷二終